



國雅卷之十二

勾吳顧起綸玄言選

蔡司空

名汝楠字子木號白石浙江德清人嘉靖間官南京大司空有中臺樞筦南省諸集

中山公子東園宴

中山亭館勝上客駐驂驂一雨暑初盡新秋葉未稀水  
衝池霧落雲向石林歸秉燭正高飲隔花宵漏微

山中立夏卽事

一樽開首夏獨對落花飛幽僻還聞鳥清和未換衣綠  
幃槐影合香飯藥苗肥盡日柴關啓蠶家過客稀

遊徐公子西園

西園飛蓋月中遊，隨意登攀自可留。  
門徑近連馳道樹，池塘遙接漢宮流。  
坐看虛牖明朱轡，行見深松間畫樓。  
一自王孫開別第，鳳臺花鳥不知秋。

大宗伯鐘石費公以卷徵詩兼致稱許因呈

南宮切近紫宸居，學士銜恩綰綬餘。  
舊史校成藏石室，新儀草定下丹書。  
論思每賜帷中坐，問字頻回巷外車。  
最是平生憐賦客，淺才猶薦似相如。

自題前山草堂

草堂舊結北山阿，逋客還家洽薜蘿。  
遶院松林嵐翠重，滿庭蕉葉雨聲多。  
清樽自對叢花發，高枕無如啼鳥何。

若道世情堪澹處，門前終日俯滄波。

送陳郎中出守廣川

戀別南州守，聊爲越客吟。  
三江看鴈盡，五嶺入雲深。  
風氣通蠻落，人烟接海陰。  
炎方將帝命，併切飲冰心。

祖堂同徐公子夜宿

侵晨逢出郭，薄暮共依禪。  
榻似迎徐日，花如獻祖年。  
山空鐘乍響，僧定月初圓。  
爲接慈燈照，深懷妙偈傳。

雞鳴寺

龍山開古寺，長傍紫微天。  
地近多來客，心空不礙禪。  
虛牕遠岫出，上界一燈然。  
落日迴廊轉，松關深暮烟。

晚晴

山晴欲暮天山色轉蒼然  
泉落雲中碓溪迴樹杪船斜  
明沙墅日遠遍綠蕪烟  
還見鳧鷗伴閒飛秋水前

題峴山濟公房

禪榻澄湖上山光似鏡中  
疎鐘搖落葉細雨帶秋蟲  
峯竹虛牕映爐香別院通  
何期碧雲合一酌對休公

寄華學士

知君謝朝謁山水賦尤工  
才邁雕龍客心齊失馬翁  
烟霞留戶內花竹隱墻東  
莫道風流意如今異洛中

靈谷寺送唐默菴兼簡錢南郭

西曹出祖向東林勝境那堪離  
思侵山徑疎松分曉翠  
郊原平楚帶秋陰空江鳧鷗  
天邊影上國鷓鴣夢裏心  
此去山公定相問嵇康好懶  
別來深

退食偶然作

一官留滯復何言騎省秋來驚  
旅覓退食避人常閉戶  
捐愁藉酒獨開樽羣鳥繞樹  
飛無定黃葉從風落正繁  
漫爲長公嗟世道不如元亮  
返田園

寄唐一應德

蚤承優詔返林居滿院蓬蒿  
仲蔚廬野徑採樵逢射雉  
水鄉穿沼試觀魚碧山相對  
幽情愜愚谷爲隣世事疎

聞說經年謝詞賦閒牕應注道家書

覽皇甫進士經海印廢寺之作因寄

帝京舊寺識慈恩鏡水蕭條傍繚垣無復山門訪支遁  
獨留徑草待王孫樂遊苑近花猶發說法人非鳥尚翻  
聞道夫君諳內學本來空處更何言

高座寺

雲公臺榭至今留休暇追隨訪古遊秋色總歸紅葉寺  
楚江還見白蘋洲松林月上言彌靜閣道鐘殘思轉幽  
莫訝爲郎貪佛日官閒禪定兩悠悠

行後園新池

後園鑿沼愛漣漪日日行園人不知浴鳥參差雲宿處  
戲魚來往芰搖時晚依巖岫分寒翠秋入芙蓉暎倒枝  
最是一泓清興足五湖情事寄臨池

贈鑿僧際公

本爲入山鑿鶴病逢師元會大乘禪世人未解華嚴偈  
妙法聊從藥品傳香供每添靈草味黃金卽布杏花田  
願陪默坐看爐火亦似維摩得道年

遊南嶽

爲耽名嶽赴炎荒更問禪宗歷上方祇謂新秋餘伏暑  
不知初地條清涼南巖久廢傳燈室諸寺空開說法堂

朱司空  
但對寒山證空寂何勞半偈使心降

贈詞客

平生獻納意明主本同時縱有相如賦那令狗監知  
虛明樓一首奉寄是堂憲長聞以鄙作入刻  
久宦勞歸夢營居始自憐石樓牕近斗山郭樹浮天佳  
境遺簪外流波把酒前登高多漫賦何意萬人傳

朱司空

名衡字士南號鎮山萬安人嘉萬間少保工部尚書

白紵詞

天衢十二夜雲涼繁燈明月照流黃鳴絃流管讌中堂  
嫵眉皓齒揚清商翻珠弄玉舞瑤璫含嬌轉盼生輝光  
吐香凝態意胡長繡帷錦席娛未央

秋夜長

圓舒滿地秋江綠桂宮蘭寢晃銀燭朱唇錦袖茵文褥  
含商咀徵金杯促金杯促玉漏長三星錯落露沾裳東  
林灼爍朝暾曉明璫颯沓上高堂

齋中詠

久臥文園疾自憐彭澤廬潭花翻石壁峯影落庭除時  
理丘中奏閒觀濠上漁不能通善宦樗散竟何如  
登蕉原最高山忽造一菴漫題壁間

偶尋蘿石去忽造白雲林鹿臥玄芝谷猿啼清晝陰微

茫樵子徑寥泐行人音始信深山裏能生不染心

關山月

祁連秋易度天山月逾明遙牽瀚海色偏照玉關情暈  
隨孤魄滿輪逐塞車輕不驗盈虧數那知是遠征

山院獨坐

投散聊休暇從知靜者尊林花時拂座山鳥日臨門洗  
想憎心障流觀厭帙繁冲然澄世慮獨坐對芳原

寄羅守真戴善甫尹仲烈三年友

憶共攀花日相看十載餘上書嗟不報懷抱近何如蘭  
管二都賦藜燈萬卷書祇應問字者日造太玄廬

胡簡齋宋環峯見訪

忽枉雙駢使相携看藥欄法星移漢署卿月照江潭話  
久思逾劇交深別更難非君憐病侶誰爲緩征鞍

總駕篇

總駕歷九州九州卑自隘返轡躍蒼虬逍遙凌方外陸  
離發寶璐晻靄揚霓蓋燭龍導輕驅鸞凰翊先戒朝發  
造天津夕戾扶桑界帝闈排九扉揖我文昌儼曳曳丹  
霞裾飄飄紫瑤帶徘徊太乙宮羣仙歛來會馮夷擊天  
鼓豐隆鳴雲籟琳條疏英翹玉壺沈沆瀣持盃奏九韶  
玄響振森蒼流日俯寰區區中襍氛穢

明妃詞

夙向椒庭日寧知事遠邊含啼趨渭水抱恨陟祁連淚  
下催芳禱歡來嗟盛年胡塵何日淨漢月幾時圓芳意  
隨征鴈愁心逐斷絃惟應春風至吹夢度三川

宿少林

初祖開初地香臺控碧岑雙泉泓德水五葉散珠林鐘  
定禪關夕山寒寶塔陰空堂一片月曾印折蘆心  
行縣經名刹因之扣梵筵到來諸品淨行處一燈懸證  
法何曾法忘緣不離緣焚香持半偈超悟了真詮

孔方伯

名天胤字汝錫號文谷宣聖遠胃籍山西汾州嘉靖中官浙江方伯

春盡將循永嘉早發錢塘廻寄憲府諸公

方此軫離居復當春候改落英空曉霏垂條謝暄靄牽  
跡阻澄江流筏縱滄海廻緬武林雲知予片心在

經桐廬七里瀨至嚴陵瀨

桐溪泛清淺併是滄江流進舟漸陵緬奔湍渺喧啾觸  
峭響逾駛盪磷紋反稠巖險信驚急潭暉且淹留帶山  
窮水泊梯石訪雲丘尚傳嚴子釣方見古人修客心何  
由弥此理猶未謀

訪方隱君金華山中

春山深曲訪巖棲且喜桃源路不迷一室盡攢雲裏樹



空園全遶石中溪川觀魚鳥心無累  
礪束荆薪手自携  
酒性更能如五柳花林相許抱琴躋

能仁寺宿

夕陽下山坂旅宿山門禪牕暝垂巖樹庭昏帶野烟力  
疲甘宴處氣鬱喜涼泉獨有清猿嘯空惟復不眠

上靈峯洞

靈峯隱高洞高洞發靈峯石室排雲上松門閃霧重躡  
欵追鳥道探秘絕人蹤必有羽化術空僊方可從

渡謝公嶺觀石門潭因緬懷伊人作此短章

巖巖茲嶺由謝乃名睠焉登緬遵其景行嘉藻在目遙

塵倚衡喬木蔭秀卿雲吐英旣濟其高亦覽于深悠悠  
清潭湛湛我心帶門百仞寫樹千尋瑩無隱礫遊無匿  
鱗清潭悠悠不顯其流無受非壑無資靡疇南華葆光  
柱下善柔我之懷矣願言好仇

國清寺

寥寥人境外別有一林中蘿幌晴峯色花鐘夜壑空涼  
泉漱初月幽木寫遙風雖未成永託淹留足微躬

桐栢宮憩眺

改轍升桐栢息陰清夏雲懷仙王子晉駕鶴去氤氳觀  
表金庭舊芝藏玉洞芬信茲永可托將此謝人羣

石梁

神嶺劃如闢巨空橫一梁虹衢玉京路烟道羽人鄉  
水藏金澗懸蘿暗紫房尚遲飄錫度臨眺佇斜陽

寄高竹所年兄

金門同獻賦鳳閣子登僊念我西征客曾貽驄馬篇  
相看各蓬轉聚首春風前始信兩龍劍交分不偶然

循行還述所覽懷呈憲府同寮

別來方兩月行盡萬重山疾長烟霞痼愁增鬢髮斑  
丹砂尋海上芝草覓雲間欲贈猶難致虛從首路還

夜坐

寥寥郡齋夕悄悄客心幽露氣因風發花陰帶月流  
城高聞鼓角地爽識邊州去國懷多曠兼茲永夜愁

秋思

白露沾野草商風吹前林容華忽以改寒涼時見侵  
四運有承謝平生多苦辛豈不念時命積鬱終難任

秋懷

木落鴈南度天高秋色深白雲垂夕露疎雨散朝陰  
水冷魚龍息山空猿鶴吟將因理歸駕貞此歲寒心

王九江

名廷翰字維楨號巖潭涇縣人嘉靖中官九江太守

別朱鎮山

王九江  
涇川方邂逅送別忽河津落日孤征遠名山屬望頻  
琴歌白雪芳草對青春相憶無能慰東園柳葉新

九日賜讌午門

凜秋寒氣入京臺佳節欣逢醑宴開玉饌遙分天鼎賜  
黃花並出 御園來雲飛雅曲莫房奏風樵清簫桂殿  
迴帝女新承甘露詔僊宮應見赤麟催

天壽山行宮

天旆三春發離宮四月開觀河懷禹跡問野見周才日  
氣生高嶺雲陰拂翠臺太平叨扈從文雅愧王枚

觀九龍池

龍門開碧苑池色映丹丘芳樹綠堦轉清泉入戶流名  
園花氣藹虛谷鳥聲幽草閣停 清蹕雲峯帶 彩旒  
水憐空鑑照山望斷烟浮卽此消千慮何須覽十洲

今上南巡歌

思親展祀幸承天駕御飛龍霄漢邊萬乘旌旗浮日月  
千行羽衛靜風烟

王駕部

名問字子裕號仲山無錫人嘉  
靖間官駕部郎擢僉憲不就

同省僚遊靈谷寺觀吳道子畫誌公像李白贊碑  
連騎出東郭振衣入叢林晨露滴空碧翳翳松蘿陰石  
上走蒼鹿空中聞梵音閒房命清酌綠竹披素襟覽勝

國朝卷十二  
時並往探幽更孤尋誌公自真性生滅了不經云何假  
衆慧幻相輝在今衆方滯名言獨存妙悟心從茲得解  
脫與道俱窈冥

聞雀聲

朝聞寒雀喧薄暮亦來歸鳴啄自無患叢竹欣相依涼  
風吹衡宇明月照素帷寄傲北牕下太息往事非今茲  
已息交門外車馬稀慰我閒居夕歲寒良不違

與楊世卿徐顧二生至寶界山居

遙水映微旭濕雲猶在山幽居隱深谷空濛烟樹間歲  
序忽復變樵歌常自閒與子不忍去躊躇暮方還

洗心亭

清溪漾寒碧衡門迤相向尚羊秋色中盡日此亭上飛  
鴈下平臯殘陽黯荒莽誰爲洗心人臨流獨惆悵

對雪懷陳山人

密雪灑溪陰驚風墜簷瓦窮麇投空臯饑鳥噪中野對  
此愴不怡思彼巖居者山深無四鄰幽懷向誰寫

龍舟行

揚旗考鼓紛雲雷十萬龍舟動海隈夾岸桃花曉霧開  
鳧鶴高飛清吹哀飛廉先發陽侯催帝遣同日趨蓬  
萊大旆行春遍九垓斑龍五色夾日迴歸來重建神明

臺小臣願獻南山杯

涪翁壽歌

翁巴人其子初泉與予同舉進士

雪峯丈人榭櫟衣手携玉枝行如飛曾披雲錦朝閭闔  
仍騎白鹿山中歸山中逃名何太早伏氣調經顏鬢好  
石徑雲深客到稀蓬門落花閒不掃石徑蓬門涪水邊  
祇看松老不知年常將十二峯頭露自寫黃庭內景篇

送路都司征倭

吳會多奇士今推霍冠軍一身常許國百戰敢邀勲  
戈戟揮江日樓船泛海雲爲書名將傳相送美髯君

西苑禱雨呈玉溪少宰

君王親在九靈宮蟬竦飛梁引上公秘籙光垂銜紫鳳  
水沈烟起駕遊龍僊輿忽降璇臺上天樂遙聞合殿中  
卽有甘霖蘇野望三農歌舞萬方同

劉司倉督餉涼州

省郎銜命趨秦隴紫塞連雲白鴈過走馬川中人跡少  
受降城上角聲多沙深戍士秋登堠月暗輜車夜渡河  
三鎮邇來軍餉足懸知關內有蕭何

謝司戶督稅江南秋日奉寄

星軺曉下芙蓉闕督稅南州餉北軍河內發倉元有使  
省中風采獨稱君水落蘼蕪空暮雨天高鴻鴈入秋雲

應知到處焚虛籍直使蒼生感漢文

早朝謝 恩得乞補南職方

禁門初啓曙光寒南國書生復拜官  
泥詔喜從温室下羽衣重入縉雲  
看麒麟舊殿丹楹在龍虎雄城繡  
嶺蟠慚愧職司虛自效清時金鼓  
靜江干

河上答比部俞汝成

片帆河上遠相思兩岸蟬聲日暮時  
掌禁獨持丹署筆退朝多在白雲司  
天池雨露心常戀水國烟霞夢轉疑  
臨別悽其數行淚不堪回首歎分岐

將至金陵聞喬景叔遷官赴蜀

共期江上聽潮聲幾歲秋風旅鴈情  
正喜舟臨桃葉渡忽聞君向蜀山行  
巴川水映琴臺落劒閣雲隨馬足生  
後會不知何日是鍾陵西望淚縱橫

遊牛首山歸與寮友宿天界寺

看山遙在萬峯西歸路亭亭江日低  
散吏自堪携伴侶閒心猶得住招提  
經壇露淨天花落塔院風清谷鳥啼  
長習跏趺入禪寂亦知虛幻此生迷

送顧九華赴滇南幕府

城邊日出曉裝成送子昆明萬里行  
五華峯前無鴈度分茅嶺外有猿聲  
滇江半是黔人國銅柱常標漢騎營

欲建勲名須絕域渡瀘休起故園情

睡起

閒牕睡起澹忘言寂寂柴墟晝掩門凍筍斜侵竹里館  
乳鶯低度水邊村已容小隱歸愚谷空有浮名寄漆園  
試着春衣出庭戶輝輝殘日映山樊

寶界山絕句四首

林麓臨清湖浦淑相映帶歸來閉柴關寧知此山外  
白鶴巢雲松秋深稻梁足寧知烟霞心不受人間祿  
山氣漸已開花露時時瀉禽鳥悅晴光飛鳴紫巖下  
山人披羊裘石上閒垂釣終日不得魚倚竿自吟嘯

惠山精舍示姪

落日虛堂過雨聲自依禪誦學無生君來莫說人間事  
總是瞿曇法外情

艷歌長康外圃作

錦樹亭前罽索坊綵雲飛盡柳絲長春風到此應須惜  
落日啼鶯入院牆

贈之山

城柝聲悲月未央江雲初散水風涼看君已是無家客  
猶自逢人說故鄉

贈茅山道士

曾向華陽洞口過三峯高處白雲多  
仙房隱隱依巖竹  
清夜經聲出薜蘿

飛來峯

逢著山僧講是非夕陽松下澹忘歸  
大地河山俱是幻  
誤疑空界石能飛

送顧九華赴陳鳴野蘭亭之約

會稽多山水暮春天氣朗  
蘭亭有遺蹤千里君獨往  
繁花覆古隄流泉足清響  
倚歌臨華觴翛然結遐想

送楊三徑往茅山宿華陽洞水石山房

老至始好道三峯禮白雲  
更尋金洞主重勘斗樞文  
首

夏草逾碧仙壇路不分  
莫隨星駕去溪上正思君

又寄同石

釋子棲禪地松門午未開  
法雲常不去花雨忽飛來自  
得無生悟虛疑幻劫催  
欲依龍樹戒牛偈爲君裁

登釣臺懷同石

水檻落平川江雲清遠天  
幾來舒晚眺終是惜殘年  
幻動迷真性齋居結靜緣  
思君西嶺下旦暮自依禪

贈楊三徑嶧剎隱居

單絺衫袂疊紗巾眼底唯君  
出世人半榻閒雲松嶺夕  
一畦芳草石田春露冷豈知  
蘿是屋道高常與虎爲隣



嗟予自比山圖子願得相隨一問真

疊韻述懷

耗耗弱柳隱漁磯苑外芹香紫燕飛  
雨浣桃谿紅早溜氣蒸江墅綠初肥  
已無白壁干時好自有高齋息世機  
玉塵玄言談未了西峯暮色下雙扉

周太僕

名復俊字子顯號木涇崑山人嘉靖間官南京太僕寺卿

咏落葉

朔風厲脩垆三浦氣方肅  
變變山崩雲耿耿葉辭木  
駢下萍川槭槭翻蘿屋  
飄飄任迴環零亂鮮羈束  
莫以九秋凋惋彼三春縟  
蕭條紫烟岑超忽丹林麓  
於茲欲

何言歲暮偃脩躅

寄題南明洞天

昔從金馬遊初承碧雞賞  
晞髮雞足峯窺日太華掌  
秋臨積波池挂席凌滉漾  
滇國繞靈山沿越恣迴往  
緬懷南明秀陵跨詎虛罔  
僊關餘窟宅入區限方廣  
淪隱迷年祀濬發自今曩  
道堙閔往運數開獲奇獎  
名公理南服攬轡澄遐想  
剔拂盡蕪類登崇悉昭朗  
庶僚洽明肅百雉茂沈枉  
遵原升欽峯揚旌越莽蒼  
鬱鬱哉崇阿胡為蔽榛蕩  
芴曲既窈深中窺乃空蕩  
辟泉發覆矇若然即明曠  
瓊石控詭態懸影森殊象  
脩竹凜圓陰幽泉激

哀響青霞何徘徊丹雲互下上可以娛性智可以陶鬱  
快聲錫休嘉名焯炳犀璩榜欲辭鑄穹厓山祇挹英爽  
蹇予山水襟咫尺望塵鞅應期驂長離松巖一偃仰

登龍泉觀作

丹荒啓靈壤員嶠帶方洲積波沃陽陟商嶺粵玄陬方  
春理東作行泉激平疇羣公切時隱聊與采真遊前徒  
秣金馬潔宇飛文鳩繡畛畫蔬麥青黔炫神丘疎桃明  
近遠萋柳耿稀稠俯觀時物育予衷良悠悠緹騎襲脩  
堤簫鼓起道周舍車入松華遐矚凌雲幽幽磯紆石規  
側磴寫懸流彷彿登雲門邪溪澄遠眸竹細莽於荻林  
冥望若憐高下陟層巘清深俯靈湫蕭然池閣暝颯若  
風雨秋泳鱗沒雲影隴禽相晰啾時和戎馬閒尊俎坐  
銷憂山阿多桂樹日夕此淹留

安寧對月忽爾懷吳

芳宵華月駐連然忽憶江臯數畝田花逕風微春度鳥  
松巖雲白夜聞泉謝庭羣從多英妙吳史篇章總入玄  
金馬旅遊非不樂欲排閭闔乞餘年

送王比部留都

石頭城畔雨初微白鷺洲前鳥更飛十里湖光香菡萏  
千門柳色點裳衣僊曹旦旦隨雲入馳道陰陰信馬歸

知汝公餘振文藻祗憑春望憶玄暉

奉和宗伯甘泉公秋郊留別

涼颼蕩碧宇日莫生微陰絃歌倚蘭館載陟嘉樹林天  
漢忽改色悵違振高吟祥麟遊四海神鳥翥千尋感世  
念彌遼眎我瑤華音如何泉上月永夜懸清心

有所思酉水舟次作

去年三月滇水陰今年二月沅州路風光晚晚愁殺人  
春色飄回忽遲莫楊溪昨夜春泉發竹寨沙邊弄明月  
始見繁花復亂飛愁多不願理春衣花飛已怯傷春別  
何忍還聽喚子規沅湘兩岸垂楊碧白日牽絲送行客

草際烟橫浦淑香江聲千轉流雲長夢竟驚載寤水廣  
何由度王孫天末未歸來公子江南先有賦公子王孫  
散夜愁愁人難下杏花樓樓臺第鬱迴清漢山水清圓  
暎去舟停橈日欲晚紫嶂猿啼遠何處積幽思幽思似  
隴坂臨流歌復歌濯纓瀟湘裏菁菁芳草心眷余紛何  
已浮雲有時卷草色幾時結相送過吳宮殷勤向君別  
吳宮翹望轉逶迤層層玉樹蔭連櫺芳菲帆浦迷香徑  
窈窕菱潭帶竹池萬里淹仍西復東一年涼暑春徂夏  
春臨絕嶼叩文鶯曉涉空津浮白馬我日思歸今得歸  
山中美人音信稀東風浩蕩吹梧樹極目天南鴻鴈飛

白司直

名悅字貞甫號洛原武進人嘉靖間官儀部郎中改太子司直翰林檢討遷江西僉事

秦省諸君招飲愛山園亭

幽林闢瑤圃飛閣臨華池高賢敞燕會慰我遠遊思情  
酣衆音翕日永杯行遲鮮飈空中來坐令炎霧披綠竹  
蔭雕榭榭樹綠芳畦夕照燦雲峯澄波漾漣漪淵魚伏  
蒲藻鳴鳥遷樛枝歡樂良不極惜茲光景馳慷慨君子  
心明明乎令儀散聚靡有常邂逅天之涯眷言崇懿德  
式彼周行詩

夏夜

良宵起永坐遠心鳴素琴當軒皎月出撫景繁愁侵所

思在萬里眉茲諒同心涓涓淚盈掬脉脉勤悲吟悠悠  
音塵闕寂寂空稠衾睠言重惆悵歇薄自匪今不如雙  
王睢歲歲江之潯

為友人題畫

楊柳摧秋風蒹葭淨秋水聞寂綸竿江海深蛟人夜泣  
鼉鼉起莘野磻溪忽遇時雲龍六合灑霖雨吁嗟乎人  
生隱顯豈在睂睫間塵埃物色莫浪翻唇齒

明月篇贈別沈郡公

少小嫁君時顏色如花好君嗟得妾遲妾幸逢君蚤春  
溪雙鴛鴦晴景明如掃如何忽風波恩愛隨行潦知君

不終棄顧妾亦未老夙夜失勤劬供調缺蘋藻愆忒豈  
無因妾敢云自保匪懈奉姑嫜何言怨諸嫂非君樂新  
知視妾如露草妾欲去何之憂思怒如擣吁嗟乎君心  
未必同秋風齊紈入暑還相逢妾心未必如斷絃鸞膠  
續取還相連古云知己不易得白首如新嘗歎息仰天  
欲訴愁氤氳撫躬有淚流胸臆月當幾望未圓時難把  
光輝測盈昃試看松柏歲寒秋卻向青天有明黑

鵲鴿行示舍弟

拒霜花發關河秋鵲鴿啄食原上頭羣鳥乘處無喧啾  
依依物類猶朋儔突來獵士雄貔貅鳴鞭佩鉞馳驂駟  
追狐走兔旋崇丘迸空金鏃風颼颼原鳥驚翔盡垂羽  
南北分棲自叢樹獨憐雙鵲鴿失勢還相附一飛一鳴  
一回顧

次少村黃子

促鷓渭河行春堤杜若生波翻過鳥疾風入暮帆輕象  
闕天猶近狼狐野不驚最憐鄉思切永夜月偏明

山東法海寺次陳翰林

忘倦莫釐顛松高翠接天孤泉飛素練兩壑鎖青烟鳥  
宿雲林裏僧棲石竇邊五湖晴瀲灩新漲欲平田

病中和答伯昭宗子

賸有登臺思其如病肺何花兼樂事廢夢繞故園多枕  
畔春吟藁囊中舊賜羅秋來俱不理高臥問維摩

晚過楓橋遊寒山寺用可泉胡太守韻

眺覽思賢哲淹留感歲年鐘聲空古寺月色暗歸船霄  
漢無書寄江湖有夢懸琴罇朋舊在長嘯虎溪邊

武夷登天遊觀用陽明先師韻

眺望千溪盤紫雲潺湲溪溜隔林間祗緣病拙疑忘世  
豈爲遨遊敢負君夢寐不逢霄漢侶棲遲真愛薜蘿羣  
華嵩太嶽空塵鞅卜築須求一壑分

許觀察

名應元字子春號茗山錢塘人  
嘉靖中官湖廣臬使有崎堂集

讀殷近夫集

殷侯本岸瑋氣與烟霞親一朝被組綬濩落隨風塵爲  
吏山水間給事金馬門榮遺志乃得道屈命茲屯瓌詞  
發靈性逸響振青雲變彼楚執珪咄咄將誰言

秋夜寄蔡員外子木

明月滿通津秋風思故人寒蕪一以望疑是雪溪濱雪  
溪茗水雙縈帶白石山光晝常藹門前碧蓋施兩槐屋  
後青林卽森蒼爲憶夫君美且揚明時比部漢中郎天  
上雲霞流藻思溪邊蘭芷結衣裳公車對詔纔二十奉  
使稱詩滿四方魯人驟賞延陵識楚國仍傳白雪章只

今持憲尚書府能以玄心超領簿侶是馬曹了不關或  
棲牛屋應遭侮聞知未上賀循舟郡士相留沈隱侯我  
亦周南苦留滯還憐高視上京儔黃金古臺燕王築劇  
辛樂毅爭投轂開歲垂楊拂地新輕塵馬足來相逐  
寶應同縣尹訪朱子价不遇

縣郭看花入江亭問草玄子雲書自秘潘令賦皆傳白  
馬湖風急清淮海月懸寧同剡中路寂寞自回船

射洪經陳子昂故居慨然興懷作

夫子昔玄覽林居几閣開寰中空逝水江上獨高臺下  
馬一懷古乘軒誰念才西來萬里客欲去更徘徊

送翁夢山觀察河南

言辭蜀道險憑軾向中州共惜春前別還登江上樓曉  
雲千騎擁芳樹一尊留去後知相憶封題報滾頭

寄王維楨戶曹兼柬子木

含香早歲承三殿獻賦蜚聲在兩都霞裏郡城題字滿  
烟中島嶼寄情孤祗知公讌陪王粲未有清言勝蔡謨  
吏道于今江徼遠翩翩羨爾府中趨

包侍御

名節字元達華亭人嘉靖間官御史謫戍有臺中淫中二集

平越夜行

侵星飭徒侶畢景驚脩岑流雲還暮山歸鳥棲舊林伊

予不遑寐勞勞陟崎嶇山形既綿亘叢薄鬱蕭森崇崗  
虧朗月密木蔽層陰虎豹當路號猿狖擁條吟仰睇何  
遼邈單誼盡夷音駕言何所之將邁昆明潯故鄉眇天  
末所思安可任

同吳山人松林宴集

竹院藏深雨松林響素濤坐淹十日飲興洽五陵豪雲  
氣盈歌扇霞文散舞袍更憐吳季子清嘯滿江臯

臨淮遇雪贈劉漸齋侍御謫居

白簡彤庭幾抗章一麾銅墨便爲郎關門變柳猶飛雪  
縣郭無花祇避霜雲接楚山聊隱吏地臨淮海舊興王

可應禁闥違長孺帝念中都是沛鄉

彭城贈顧一諫議自居庸遇赦還蘇州

歲晚逢君塞上來紫貂零落劔花開猶思玉殿批麟日  
敢望丹青托鳳迴去國幾經邊地草還鄉初放故宮梅  
長洲茂苑真堪隱漢帝能忘賈誼才

同周岐麓臺長泛西湖遂宿藕花居

湖畔乍逢驄馬使沙行同入鷺鷥羣六橋水抱珠林月  
兩竺峯盤寶界雲岸柳藏鶯侵坐密園花隱麝隔溪分  
況同佛院移蓮榻共息塵機理貝文

桃源洞



武陵山徑碧嶙峋茅屋荷衣此避秦深洞草荒猶有水  
舊溪花落不知春白雲天路人何在滄海年華世幾新  
每欲卜居勞夢想竭來何事又風塵

晚望蒼山卽事

吏散庭閒靜掩扉點蒼西望翠霏微雲裁玉葉和烟潤  
瀑濺珠花映雨飛石洞經秋龍不起松枝將暝鶴初歸  
泠然忽動餐霞思擬陟丹梯一振衣

結客少年場爲邊人作

豢勇雄六郡豪舉擅三秦往來惟劇孟隣並有孫賓一  
上倡樓醉千金擲與人居閒跨馬去所至能風塵劫質  
新豐側探丸灞水濱干楨不敢近名捕及姻親邊城亡  
命久隱約多苦辛會逢募兵檄昨始脫荆榛焚丹擬著  
效洗堊誓圖新得隨征虜去雲中搏戰頻虎發羽尋沒  
猿號枝若神以茲富禽馘勲名日益振授官還故里綺  
服綰通綸道傍相指點嘖嘖有餘嗔曩蹤類伏鼠茲榮  
等畫麟迺知若思者一變卽良臣

雨中聞山人李翁臥病懷訊

端居抱積慘緬懷華顛叟相望非阻脩離索良已久瑤  
琴網輕埃孤榻懸虛牖高臥不可期佇立時延首博恐  
仙人滯玄應隱士守滄暑淋潦盈居窮何所有池邊交

讓枝門外先生柳終朝挹蔥蒨誰與共杯酒

胡將軍携宴宛上寺納涼

愛客携芳宴諸天幾度過禪心斷絲竹幽興托烟蘿日  
爲揮戈久涼因擁樹多留歡殊未已譚劔坐明河

秋夜

淒清旅館夕徙倚對明河庭樹銷潘省寒蟲避翟羅鴈  
歸砧響急烽至角聲多不寐殷憂者長更柰若何

和李山人溪上無題作次來韻

不信傾城笑邊人今始知圖堪遺冒頓色本奪燕支蔡  
琰降胡日王嬙出塞時華容能竝否吾欲賦陳思

寄題都護大通別業

卜居違俗宇結構托祇園逕側纔通鳥山深祗嘯猿本  
能金作穴翻喜竹爲垣老去耽禪寂調心挹化源

與客野坐

步屨因逢客班荆偶列筵錦茵花滿地翠幙樹彌天瀑  
寫漁陽摻鶯調陌上絃因忘巢燕日聊慰問漁年

客居漫興二首

四序寒偏久青陽夏始知山風翻芍藥庭雨拆酴醿竹  
箭灘聲駛燕支石磴危酒酣頻眺聽端欲慰遐思

隣院聞清磬胡僧吐梵音吹螺能止雹沈石解興霖樹

列祗園遍雲叢鷲嶺陰法門甘露近當暑滌煩襟

九日與客小坐偶對鸚鵡兼聞笙

湟中留滯兩重陽一上烽臺思渺茫落葉共為江海客  
野花聊薦歲時芳當筵解語調鸚鵡隣院吹笙寫鳳凰  
子晉彌衡精爽在豈憐愁緒勸飛觴

贈俠少年

蚤隨飛將戰龍沙日晚收營過狹斜下馬直趨盧女肆  
滿樓喧笑擁琵琶

尹宗伯

名臺字崇基號洞山江西永新  
人嘉隆間官南京禮部尚書

送張石里少卿赴南光祿

炎風朔野變新秋錦席南移亦帝州  
引陪都勳寺愜清修煙中晉苑朱甍影樹裏秦淮碧水  
流此去定傳庾信賦鶯花回首白門樓

柳亭為葉中書賦

舊業新安復武林青山住愛柳叢深一  
辭露葉牽春夢幾惜煙條感醉吟  
翠擁鳩樓西掖暮碧藏龍舸北湖陰  
十年供奉長楊館底事頻抽白玉簪

送許元復秀才還吳中

童穉論交已二毛相思吳楚隔風濤  
空憐明月懸珠珮未向黃塵拭寶刀  
仲蔚蓬蒿貧豈厭元龍湖海氣偏豪

此歸且理裘年逕莫學揚雄辨字勞

謁荆川唐太史陳橋庄

幾歲風塵海甸昏如公那得卧衡門焚魚學士迹空秘  
衣白山人禮自尊桂樹攀援聊賦隱桃花開落更忘言  
英雄出處元無定不見南陽與渭村

魏公西園賞牡丹次礪峯少宗伯

冶城西畔魏公園僊客同開上日尊花繞榭亭深隔市  
柳藏幽徑曲成村簾櫳晝啓春陰靜睥睨晴通野氣昏  
向夕不須仍秉燭續紛蘿月映階繁

西湖次韻

四月過新雨西湖羅綺春荷花嬌綠水妬殺采蓮人

西湖采蓮曲

湖市羅裙映玉缸蘇隄楊柳拂船窻采蓮誤觸鴛鴦起  
飛向花間還自雙

送湖西朱少尹赴順昌

縣古虛廳自少塵松除流水更粼粼長吟花下閒無事  
好憶藍田記裏人

孫文恪

名陞字志高號季泉餘姚人嘉靖間禮部尚書蓋文恪

孝烈皇后輓章四首應制

椒寢深丹禁星娥傍紫薇扶天功獨茂配地德應稀曙

沒金波影宵沉寶婺輝

皇情最悽切不是戀官闈

綺牖餘奩篋璇宮靜珮環鷄鳴空復詠駟乘渺難攀露

泣花堦冷人悲謚冊頒那堪御溝水日夜響潺湲

千官隨素輦行路若爲嘆仙逝人中鳳塵迷鏡裏鸞湘

江朝霧暗塗嶺暮雲攢此日齊揮涕淒風五月寒

靈車歸秘室仙馭度層空蘭殿芳猶在瑤琴曲遽終淚

添玄澤雨悲動白楊風寶笥看遺字時時感

聖衷

送上海張丞

君今懸綬去百里佐花封地僻城臨海雲開戶入峰俊  
才聊伏驥高興每哦松欲識飛騰兆惟看日下龍

郢中元夕

到郢逢元夕新晴氣復澄月懸天上鏡星列市中燈人  
騎紛如簇烟花靄若蒸莫牽羈旅抱佳興且須乘

嘉會稽吳尉禦寇

有美稽山尉超然志不倫羽書飛海國鐵騎走風塵止  
日戈橫臂衝星劍在身策勲酬 聖主翻咲姓梅人

與楊太史話舊次韻

鳳凰臺畔忽逢君朔塞寒雲度鴈群久別故人驚鬢改  
細傾濁酒坐宵分虛推詞賦追孫綽實羨才華似子雲  
丹禁青藜輝五夜石渠猶記校書勤

和吳山人小閣述懷之作

朝紳不繫一身閒，五嶽名區已遍攀。  
老去懶馳雲外路，春來惟看閣中山。  
烟銷巖樹當窓翠，雨過林花滿目斑。  
獨倚欄干成坐久，天邊鳥背夕陽還。

與二友酌池上軒用舊韻

結駟無勞訪薜蘿，南曹歲序只閒過。  
憑軒得句難忘酒，臨沼揮毫欲換鵝。  
平日日光斜入牖，清宵月影靜涵波。  
門外俗塵渾不染，祇應開徑逐羊何。

余孝廉

名慶字惟德號桐林汝寧固始人嘉隆間貢生有障風集

山庄舊址二首

不見山人迹，空憐故址荒。  
鳥啼歌舞處，花落水雲鄉。  
雨後莓苔綠，霜餘草樹黃。  
鳴泉細咽，似與訴興亡。

憶昔繁華地，其如世變何。  
風流人去遠，岑寂客愁多。  
敗壁潛狐兔，空山挂薜蘿。  
夜深溪上月，依舊浸寒波。

送張少府歸田

書劍秋風晚，飄然一騎歸。  
慵看公牘草，心戀故山薇。  
世路誰知止，雲林自見幾。  
月明淮汝夜，千里歎相違。

送吳隱君南還

未久論文日，還驚餞別時。  
江空憐歲晚，道遠念歸遲。  
行色關鴻雁，鄉心挂柳枝。  
殷勤一盃酒，相勸復相思。

別上蔡張一元

聚首能幾日，須臾悵別筵。  
濁醪因汝醉，佳句復誰憐。  
汝北城頭月，淮南樹杪天。  
連牀風雨夜，何日更依然。

夜雨

浙瀝驚虛牖，空濛亂竹閒。  
水深溪沒石，雲暗樹連山。  
短灶秋烟濕，孤衾曉夢寒。  
雞鳴天似暝，高枕聽潺湲。

病中述懷

西風短褐不禁涼，雨後梧桐葉半黃。  
潦倒豈能忘藥裹，淹留空自憶岩廊。  
秋添老鬢愁方劇，病數寒更夜獨長。  
誰信江州白司馬，尚堪淪落臥他鄉。

聞鶯

倦倚胡牀午夢醒，忽聞高樹嘒流鶯。  
聲傳青帝來幽谷，羽振金衣拂翠屏。  
宛轉似尋人共語，徘徊偏解爾多情。  
翻驚節序消容鬢，聽到嚶嚶念友生。

遊大千寺用辟間韻

幾年聞說此蕭臺，今日登臨石殿開。  
二水忽懸雙澗下，羣山齊擁一峯來。  
喜無塵夢驚禪榻，賴有清齋供草萊。  
湯道支公親翰墨，新題何愧許詢才。

遊圓覺寺二絕

青山一帶兩河流，臺殿參差勢欲浮。  
曾借石牀眠甚穩，

覺來紅日滿山頭

好懶常投古寺陰  
坐來惟愛法堂深  
清風石上餘苔蘚  
明月松梢落梵音





